

序

家有谱则支裔之亲疏 踪迹之聚散 家世之盛衰 均心有其数

家谱在经历了数十年的尘封之后 迎着改革开放的春风 焕发了生机与活力 太平盛世 华夏子孙 饮水思源 寻根问祖 成为此次续修家谱的宗旨

续修家谱 就我辈而言 何其陌生 且又艰难 加之旧谱中断八十余年 先人分房派系繁多 陈氏人丁浩瀚 遍布华夏 实在无能完成族谱修撰 有幸族长陈立山 陈超群亲临指挥 宗辉公世下二十四世各房兄弟通力协作 懋球公房下各支谱终于定稿付印 别无他求 仅为本支后人留下追根溯源之蓝本

支谱旨在正本清源 剔除疑异 理顺懋球公房下一脉相承之垂丝 适用本世纪之新风而删繁就简 为方便查询 一律采用公元纪年 均相应记以农历纪年备查

陈氏祖训族规 分门别类 细则分明 惩戒有据 我辈吸取精华 浓缩为祖训十条 以诫后人

我祖源于舜禹 得姓于胡公 繁衍生息数千年 一脉相承 百余多世 历朝各代均以先贤贵胄分阶段而立族谱 仅近代留给后人的谱系资料就有端

公世下 团公世下 可寿公世下 集美公世下 宗辉公世下等多个版本 今宗辉公世下二十四世兄弟愧对先祖 仅以微薄之精力 建立一个懋球公世下各房支系平台 同时备有电子网卡 以备后人有心之士 借此平台而不断充实义门陈氏资料为祈愿

公元二零一八年仲秋

宗辉公二十四世后裔孙敬上

叙

蓋聞木有本而水有源古今譜帙之修者于以明世系不忘一本之謂也譜者何所以考源流明倫次別親疎著其所自出而表揚宗祖訓免子孫之意亦具乎其中吾祖自端公始祖發源潭州迄今則瓜綿椒衍已遍數郡時代日遙世海日廣家各為乘房各建祠雖其源流不失非譜無以誌之若不復修接續愈久愈繁愈遠愈疎由是諸先輩秀廷等董其事糾族續修各房長皆欣然樂從瑞斯時無知少讀雖舉校閱其間錄稿不無訛錯因而查考老譜及本祠支譜所載間有異相同遂謹遵老譜接修從本支始祖宗輝公派下叙至榮字派共二十四世逐房查核次第註明信者詳之疑者仍闕之不敢稍存意見同念先人之德行生卒廬墓子女聘配無不詳載昭穆序于上愛敬序于下不賴有此譜哉瑞于譜牒告成錄一言以附之所載坵墓備具遠近不遺木本水源誠足動仁人孝子之感焉

民國十七年戊辰歲仲夏月

公元一九二八年

四十二世孫嘉瑞謹撰

序

谱帙之修功同邑乘所以奠世系纪功德溯一本之渊源以垂于不朽也吾祖自胡公满为周陶正周武王以元女配之封于陈遂以陈为姓传数十派至端公讳祜者唐禧宗朝封为威烈将军勅镇潭州管辖三边立居大塘越八派团公宋信国公配夫人九生子十一然我支祖十郎可寿公分金铨官山庄又传十一派至太綸公立居本府烟雾苍官山罗阳寨基次子宗辉公依居寨下立业陈家湾后子孙散处如碁布星罗而欲使疎者犹亲远者犹近举先人邱陇之重手泽之遗皆一一确指其处永矢弗谖也盖綦难矣咸丰乙卯秋诸先辈纠族续修予斯时尚幼无知虽校阅录稿其间不无讹错今又三十余年遂与各房房长商议若不復修传世愈久子姓愈繁但其中昭穆倫次祖先墓所坐向禁步丈尺界址从分辨则谱帙之復修无庸缓耳于是各房长皆欣然乐从举予彙稿纂修因而查考各祠老谱及总祠族谱所载间有異同即将疑误处略为更易而信有可徵者详之疑者阙之无私心无偏见无漏笔视前谱綦详回念我祖自周以来历唐宋元明阅之以时代离之以迁徙荡之以兵燹散之以遗亡而士食旧德農服先畴数千余载之根本源流犹有可指数而眉列者不赖有此谱哉予于谱牒告成叙一言以附诸简

编且凡祠内训约家规祀田祭典无不备具其足以信今而传后无疑矣后有作者饮水而思其源发华而培其本当必有绍前徽而光大之者也是为序

光绪十七年辛卯仲岁秋月

公元一八九一年

四十世孙烈晃炳如氏敬撰

序

予少时读史至唐僖宗时诏旌江州陈氏义门免其徭役云陈崇数世未尝分异长幼凡七百余口不蓄婢妾人无间言每食群坐广堂幼者别为一席有犬百余共一牢食一犬不至群犬皆不食未尝不歎仁风和气其所感应至于如此后又读至宋淳化元年诏贷江州义门陈兢粟二千石云至陈兢之世子孙益众尝苦乏食则心又疑之夫由唐僖宗至宋太宗时中间虽仅百余年而迭经五代乱离之祸风声鹤唳无日以甯义门何独安堵如故子孙益繁后阅他纪载黄巢尝经其地禁其士卒不许惊扰义门则又歎和气所被不独下格家人上邀天眷并可以默回浩劫潜格梟雄则甚矣陈氏义门不独可为千古处家族之良则而亦千古处乱世保身家之奇型也陈氏固天下巨姓而吾邑尤繁其支派虽不一类多簪纓显赫科甲蝉联询其发源之祖则皆曰团公者陈崇之弟端公八世孙也有子十一皆著籍潭州今则瓜绵椒衍已遍数郡矣今团公后裔续修家乘而仁之至义之尽有非他人意想所能及者洵无愧义门后裔矣今夫物必有所本无论人即下而草木飞走之类亦各有渊源以至于今然其类则宜分混蒿艾于芝兰参鸞鷟于鸾鹤则人有不嗤为不类者乎是故非与吾同祖者则即衣冠人物焜耀一时皆

可以非种锄之而不必与之联如其同宗则即世之相隔以
数十代地之相去以数千里计要皆为吾祖之血脉而不必
疑议于其间且夫万壑分流莫不朝宗者其源合也千枝竞
秀互相依比者其根同也然则陈氏谱牒之修又乌容已哉

光绪十七年孟秋月

公元一八九一年

麓峰郑先亭拜撰

旧序

阅世生人阅人成世人世相沿必有所自吾族出自有虞定姓于胡公颖川其采邑也历成周战国以迄宋元其间燹散軼或亡去隐逸而无由纪其详或宦寄他邦客止異地而无由识其略独我支支谱于前明万历间创修之

国朝康熙间续修之乾隆间復续修之诸先辈谊笃宗盟时以续谱为念设家规请 宪印条分缕析诚燕翼之貽谋也后章等尝闻诸父老当日仕哲公暨帝選公丙三公在元公戒之日楚南陈姓掇巍科登甲榜者所在多有合则收之虽微勿弃否则外之虽高勿攀吾家居罗王寨愿耕秀读忠厚传家尔子孙其是训是行也章等谨遵彝训仍续依寨之支谱即有迁徙稍远者无非依寨之本支也俾后世子孙知本其所本源其所源上以承先人之绪下以啓裕后之方也已是为序

咸丰五年乙卯岁仲冬月吉日

公元一八五五年

列炳尊

阳德和

裔孙懋 燠香兰 敬譔

祐学贤

仪光德

旧序

盖闻古今宗族谱各家修者于以明世系不忘一本之谓也我族丁繁支茂溯追

先代谱帙渊源自轩辕传八世而生帝舜舜生商均由商均至颍川侯軫已七十八传由軫及今又九十余传矣若非帝之之大孝感格天人曷克臻此古云盛德之裔必百世祀不益信乎伏觀 汉太邱令实 宋江州处士兢言行懋著无忝神明我 祖代有闻人诚不诬也后之人当体先人之贻训由亲亲以及人物莫不推而行之上可作 圣君之忠臣下可为家庭之肖子光前裕后岂不懿欤

端公三十四世孙集万

仁

谨錄

旧序

余家本有妣之后虞舜之五十二世孙妣满为陈胡公遂姓陈食采颍川此世系所自来也由是经秦汉历六朝世代相承难以殫述其间公孤清要甲第蝉联外总军门内参台阁代不乏人但极盛难继虽非若敖之裔几成乐邵之宗矣厥后赵宋定鼎敬仲之难復丁分奔不一虽赠策有人其留族未必不等于士会逮宋元之际湘汉江左川血山骸余祖团公奉命征伐膺奖勳劳其第十子可寿公督镇潭州遂尔家焉乃定址罗王寨曰官山陈家团公娶三副室六合嫡庶生子十一人此九婆十一子所由也生齿日繁克聚集恒山之鸟未免卜迁惟余祖光显公攜家人避兵山谷幸得全生髮如線其克不绝者几希矣子既生子孙又生孙继继绳绳如星罗碁布迄今又四百余年暨

国朝定鼎继以李张之乱旧錄几成断简康熙间集万公理残牒審邱墓纂修之越今又数十年若不续修以继之将来世愈久而人愈繁历年久而人愈疎也后之视今更甚于今之视昔安知仅族存者不同归于不存乎余故于乾隆三年纠族属立房长议条约请印颁委原欲振家纲流传于未艾也今復上溯所知沿派次第叙演成牒世系相绳支不混淆派不失序滔滔江汉百派同流譬之探

河源者必由星宿寻山脉者必始崑崙后之子孙有志余志
者不获苦于无稽矣奚至建中有失母之恻臯陶为馁而之
鬼哉是为序

乾隆十五年庚午吉月 日

公元一七四九年

公譔

前明谱序

青原白鹭之间山水秀美其磅礴鬱积储精毓粹降神斯土为将相卿士大夫硕儒钜公其丰功盛烈大忠大节照耀今古他郡莫之或先然而守乡郡宰乡县则未之闻也太和陈公讳端者任唐参将勅封将军镇潭州落业于楚是故大博大先生须溪刘公铭其墓有日前不可以有一后不可以有二良有以也尝考世家大族后嗣峥嵘宜也乃一再传之后或流从于寓或若敖其宗在所不免陈氏子孙修身历行种学绩文以求无忝仕至三品者有矣仕至州县丞佐者有矣其家居者乘肥馔之高其客寓者隆恭其故哉将军由洪州来千有余年后人闻诗祀之训循忠厚之规克肖于洪州府君相承弗替者又岂偶然之故哉族旧有谱因乱失其本真陈氏大懼久而烟没遂葺为新谱支分彙列有条不紊编成攜而求予文以识本末予壻于陈氏岁时往来甚稔进拜其长上则雍容矩矱之中退即其俊秀则沉浸词章之内投壶以相娱琴书以相尚乃今希濶几十春秋矣于是编阅斯谱历指其名某也昔所亲炙某也昔所肩随某也昔所未识俯仰陈迹不能不以之兴怀予老矣何幸得厕名于其间哉虽吾欲极言不能喻之于怀者矣盖谱者名也有其名必务其实自今陈氏宗族笃其亲而厚其伦重其近而念其远家立五世

之宗俎豆馨香以时冠昏丧祭有礼德义以劝过失以规患
难以扶持功名以显耀则谱表彰名里而有实乃亲戚之至
情亦陈氏继述之志于是乎书

洪武十八年乙丑岁五月朔

公元一三八五年五月

勅赐归田七十翁姻末廬陵刘典拜手

旧序

自予寻宗长沙兼访威烈将军后以我祖是其自出并从唐主同光立业开基历今六百余载而陈之族属亦復盛多因信尽忠报国之祖其为长养子孙者类皆培植厚而发源长也是岁余族谱成同宗毕至适陈君良福亦载谱俱来属余问序余以汝祖端公与余濙祖并誌阅八世而参将团公亦自威望卓卓其他禄食千钟爵登上品指弗胜屈则斯谱之辑是亦昭盛典于将来垂家声于不墜更阅異时而仍有寻宗合族之举览谱之所载坵墓备具远近不遗木本水源诚足动仁人孝之感陈氏之兴其曷有艾乎

正德十四年冬十一月望日

公元一五一九年

光禄大夫柱国少师太子太保三边总制左都

御史兰州彭泽谨识

旧序

长沙陈子良福官居别驾与予同乡相识甚深一日重修族谱属余为序余以子陈氏来至洪州曾闻甲冑纓弁纪绩阅谱知至良福已二十余世矣其间文经武纬代有传人纪字纪名绌华崇实近自高曾而溯始迁之祖俱寄是谱获覩手泽长存異日仁人孝子兴水源木本之思而终不憾于考据无自者皆得仰藉于是谱之详且尽者也以明昭穆以笃宗亲莫善于此余故乐记数言而无庸以夸大之辞赘

正德十四年冬十一月望日

公元一五一九年

光禄大夫柱国少师兼太子太师吏部尚书

李东阳识

国朝谱序

吾闻国有纪邑有志家有谱其义一也谱者何所以考源流明伦次别疎戚著其所自出而表扬宗祖训勉子孙之意亦具乎其中故凡世家巨族皆有谱非有贤智之士莫能举而修之也星沙氏氏自厥祖端由吾乡之江州徙于斯迄今三十七辈人文蔚起簪缨累累为

王国桢轩膠庠佳士指不胜屈即力田服贾辈亦言行不苟孝弟循谨其山之秀风俗之美祖宗积德之贻如此陈氏旧有谱修于胜国历今将百年宗支日繁迁徙靡定不因而重修之势必久而失次远而难稽疎戚混而并昧其所自出焉今览斯谱渊源有自伦次秩如而凡名号官爵及生卒葬祭无不毕具苟非仁人孝子之用心其能为此敬宗收族之举哉余于陈族乡谊也因肯其请书数言以弁其端

大清雍正十二年甲寅岁仲秋月

公元一七三三年

赐进士第出身文林郎知湖南直隸靖州会同县事
加三级纪录三次年家眷弟袁守定拜撰